## 0.0.1 balasangahavatthusuttam

## 0. sāvatthinidānam

- 1. cattārimāni bhikkhave balāni, katamāni cattāri: paññābalam viriyabalam anavajjabalam saṅgahabalam. katamañca bhikkhave paññābalam: ye dhammā akusalā akusalasaṅkhātā, ye dhammā kusalā kusalasaṅkhātā, ye dhammā sāvajjā sāvajjasaṅkhātā, ye dhammā anavajjā anavajjasaṅkhātā, ye dhammā kaṇhā kaṇhasaṅkhātā, ye dhammā sukkā sukkasaṅkhātā, ye dhammā asevitabbā asevitabbasaṅkhātā, ye dhammā sevitabbā sevitabbasaṅkhātā, ye dhammā nālamariyā nālamariyasaṅkhātā, ye dhammā alamariyā alamariyasaṅkhātā, tyāssa dhammā paññāya vodiṭṭhā honti vocaritā honti. idam vuccati bhikkhave paññābalam.
- 2. katamañca bhikkhave viriyabalam: ye dhammā akusalā akusalasankhātā, ye dhammā sāvajjā sāvajjasankhātā, ye dhammā kanhā kanhasankhātā, ye dhammā asevitabbā asevitabbasankhātā, ye dhammā nālamariyā nālamariyasankhātā, tesam dhammānam pahānāya chandam janeti vāyamati viriyam ārabhati cittam pagganhāti padahati. ye dhammā kusalā kusalasankhātā, ye dhammā sukkā sukkasankhātā, ye dhammā sevitabbasankhātā, ye dhammā sevitabbasankhātā, ye dhammā alamariyā alamariyasankhātā, tesam dhammānam paṭilābhāya chandam janeti vāvamati viriyam ārabhati cittam pagganhāti padahati.

idam vuccati bhikkhave viriyabalam.

- 3. katamañca bhikkhave, anavajjabalam: idha bhikkhave ariyasāvako anavajjena kāyakammena samannāgato hoti. anavajjena vacīkammena samannāgato hoti, anavajjena manokammena samannāgato hoti. idam vuccati bhikkhave anavajjabalam.
- katamañca bhikkhave, sangahabalam: cattārimāni bhikkhave sangahavatthūni. dānam peyyavajjam atthacariyā samānattatā, etadaggam bhikkhave, dānānam vadidam dhammadānam, etadaggam bhikkhave, peyyavajjānam yadidam atthikassa ohitasotassa punappunam dhammam deseti. etadaggam bhikkhave, atthacariyanam yadidam assaddham saddhasampadaya samādapeti niveseti patitthāpeti. dussīlam sīlasampadāya samādapeti nivesati patitthāpeti, maccharim cāgasampadāya samādapeti niveseti patitthāpeti. duppaññe paññāsampadāya samādapeti niveseti patitthāpeti, etadaggam bhikkhave, samānattatānam yadidam sotāpanno sotāpannassa samānatto, sakadāgāmī sakadāgāmissa samānatto, anāgāmī anāgāmissa samānatto, araham arahato samānatto. idam vuccati bhikkhave sangahabalam. imāni kho bhikkhave cattāri balānīti.
- 5. imehi kho bhikkhave catūhi balehi samannāgato ariyasāvako pañcabhayāni samatikkanto hoti, katamāni

pañca: ājīvikabhayam asilokabhayam, parisasārajjabhayam, maranabhayam, duggatibhayam. sa kho so bhikkhave ariyasāvako itipaṭisañcikkhati: nāham ājīvikabhayassa bhāyāmi, kissāham ājīvikabhayassa bhāyissāmi, atthi me cattāri balāni, paññābalam viriyabalam anavajjabalam saṅgahabalam. duppañño kho ājīvikabhayassa bhāyeyya, kusīto ājīvikabhayassa bhāyeyya, sāvajjakāyakammanto vacīkammanto manokammanto ājīvikabhayassa bhāyeyya.

- 6. nāham asilokabhayassa bhāyāmi. kissāham asilokabhayassa bhāyissāmi. atthi me cattāri balāni, paññābalam viriyabalam anavajjabalam saṅgahabalam. duppañño kho asilokabhayassa bhāyeyya, kusīto asilokabhayassa bhāyeyya, sāvajjakāyakammanto vacīkammanto manokammanto asilokabhayassa bhāyeyya, asaṅgāhako asilokabhayassa bhāyeyya.
- 7. nāham parisasārajjabhayassa bhāyāmi, kissāham parisasārajjabhayassa bhāyissāmi, atthi me cattāri balāni, paññābalam viriyabalam anavajjabalam saṅgahabalam. duppañño kho parisasārajjabhayassa bhāyeyya, kusīto parisasārajjabhayassa bhāyeyya, sāvajjakāyakammanto vacīkammanto manokammanto parisasārajjabhayassa bhāyeyya, asaṅgāhako parisasārajjabhayassa bhāyeyya.

- 8. nāham maraṇabhayassa bhāyāmi, kissāham maraṇabhayassa bhāyissāmi, atthi me cattāri balāni, paññābalam viriyabalam anavajjabalam saṅgahabalam. duppañño kho maraṇabhayassa bhāyeyya, kusīto maraṇabhayassa bhāyeyya, sāvajjakāyakammanto vacīkammanto manokammanto maraṇabhayassa bhāyeyya, asaṅgāhako maraṇabhayassa bhāyeyya.
- 9. nāham duggatibhayassa bhāyāmi, kissāham duggatibhayassa bhāyissāmi, atthi me cattāri balāni, paññābalam viriyabalam anavajjabalam saṅgahabalam. duppañno kho duggatibhayassa bhāyeyya, kusīto duggatibhayassa bhāyeyya, sāvajjakāyakammanto vacīkammanto manokammanto duggatibhayassa bhāyeyya, asaṅgāhako duggatibhayassa bhāyeyya.
- **10.** imehi kho bhikkhave catūhi balehi samannāgato ariyasāvako imāni pañcabhayāni samatikkanto hotīti.